



Queríu universitariu, querida universitaria,

Preséntote les nuses propuestas y el programa electoral pa encariar los nuevos retos que la Universidá d'Uviéu tien d'abordar nos vinientes cuatro años. Fáigolo cola ilusión intacta, pero con más esperiencia y con munchu camín andáu. Poco podíemos imaxinar, cuando nos presentamos en 2016, que tendríemos qu'afrentar esta situación inédita a lo cabero'l primer mandatu.

Gracies al esfuerzu y a la collaboración de tola comunidá universitaria, tamos superando esta pandemia y nun tengo dulda de que, llueu del sufrimientu, vamos salir más fuertes y nuna meyor coxuntura. Esta situación valiúnos para considerar la salú de la comunidá universitaria como una de les nuses prioridaes, haciendo redolaes segures de trabayu, implementando'l teletrabayu y aprovechando, al empar, toles ventanes a la docencia presencial, que ye la esencia de la vida universitaria.

Cumplimos los nuses compromisos electorales hasta niveles ensin precedentes na nuesa hestoria recién. La institución nun dexó de medrar dende 2016: féxolo presupuestariamente en más de 22 millones d'euros; avanzó en tolos rankings nacionales ya internacionales; meyoramos las plantíes de PAS y PDI, amenorgando la precariedá y la inxusticia de les 320 hores; en calidá, tresferencia, trespencia, igualdá, inclusión, ética y equidá. Meyoramos les nuses infraestructures informátiques y la caltenibilidad de los nuses edificios, pudiendo afirmar que tenemos dafechu operativos tolos nuses recursos. Cumplióse coles etapes del nusu plan de descentralización de másteres y doctoraos y siguimos axuntando más recursos a los presupuestos de centros, departamentos ya institutos. Too nun ambiente de respetu, concordia y negociación de contínu nel trescursu d'esti primer mandatu.

Meyoramos la nuesa interacción institucional a tolos niveles, col Gobiernu del Principáu d'Asturies y cola sociedá asturiana y los sos conceyos, reinventando'l mecanismu de la Estensión Universitaria. El gran avance n'internacionalización féxose en tolos ámbitos, pero de mou especial nel programa Erasmus+, onde lideramos el crecimentu de les universidaes españoles triplicando los recursos que teníemos en 2016. Cumplimos, ún per ún, tolos nuses compromisos col estudiantáu: mesa del estudiantáu, reglamentu de paru académicu, baxada de tases, meyora ensin precedentes de les condiciones de progresu y permanencia. Les nuses convocatories permitieron atender cada añu toles solicitúes d'ayudes por escasez de recursos económicos, tan necesaries nesti tiempu de pandemia.

Queremos que nos dexéis la posibilidá de seguir desarrollando tanto les iniciatives calteníes nel nusu programa electoral como les recoyíes nes nuses propuestas pa cada colectivu, que nos afecten a toos y a toes. Los nuses retos son más ambiciosos y el nusu enfotu sigue intactu y anováu pola esperiencia d'estos años, pol nusu trabayu diariu pola meyora de la Universidá.

### ¡Nuevos retos col mesmu enfotu!

Pa seguir con esi mesmu puxu y esi mesmu enfotu, pídate que votes la nuesa candidatura.

Un abrazu fuerte,  
Santiago

